

Գ. ԴԻՄԻՏՐՈՎԸ ԵՎ ՍՈՎԵՏԱԿԱՆ ՀԱՅԱՍՏԱՆԸ

ԿԵՎՈՐԳ ՂԱՐԻԲՋԱՆՅԱՆ

ՀՍՍՀ ԳԱ ակադեմիկոս

Բուլղարական և միջազգային կոմունիստական ու բանվորական շարժման ականավոր գործիչ Գեորգի Դիմիտրովին գիտեն ու սիրում են մեր երկրի բոլոր ժողովուրդները:

Սոցիալիզմի առաջին երկիրը Գ. Դիմիտրովի երկրորդ հայրենիքն էր, որտեղ նա ապրեց երկար տարիներ, անմիջականորեն ու առավել խորությամբ ուսումնասիրեց սոցիալիստական շինարարության ընդհանուր օրինաչափությունները և հետագայում ղրանք հմտորեն կիրառեց Բուլղարիայի կոնկրետ պայմաններում: «Գեորգի Դիմիտրովի անունը,—ասել է Ա. Միկոյանը,—անսահմանորեն մոտ է ու հարազատ ամեն մի սովետական մարդու...: Սովետական ժողովրդի համար ընկեր Դիմիտրովի անունն առանձնապես թանկ է նաև նրանով, որ իր հիանալի կյանքի ու պայքարի մի զգալի մասը Դիմիտրովն անցկացրել է Սովետական Միությանում, սովետական մարդկանց շրջանում...: Լինելով իր հայրենիքի ջերմ ու նվիրված հայրենասերը, իր ժողովրդի և դասակարգի հավատարիմ զավակը, Գեորգի Դիմիտրովը միաժամանակ Սովետական Միության մեծ բարեկամն էր...: Սովետական մարդիկ հարգում և սիրում են Գեորգի Դիմիտրովին այնպես ջերմ և անկեղծ, ինչպես սիրում է նրան իր բուլղար ժողովուրդը»¹: Գ. Դիմիտրովը հպարտանում էր Սովետական Միության բոլոր ժողովուրդների հաջողություններով, կապեր էր հաստատում նրանց շատ ներկայացուցիչների ու աշխատավորական կոլեկտիվների հետ: Գ. Դիմիտրովին ճանաչում և նրա հետ կապեր էին պահպանում նաև հայ ժողովրդի զավակները:

Գ. Դիմիտրովի մասին Սովետական Հայաստանում առաջին անգամ իմանում են 1921 թ., երբ բուլղարահայ ականավոր կոմունիստ Ս. Շահբազյանը մոտ երկու ամիս գտնվելով մեյր հանրապետությունում, պատմում է Բուլղարիայի կոմունիստական կուսակցության, նրա ղեկավարներ Գ. Բլագոևի, Վ. Կոլարովի, Գ. Դիմիտրովի և մյուսների մասին, որոնց նա անձամբ գիտեր: Հայ ժողովրդի ականավոր զավակներ Ա. Մյասնիկյանը, Վ. Ավանեսովը, Ա. Միկոյանը, Ռ. Քաթանյանը, Ա. Խալաթովը, Բ. Խիտարովը, Գ. Ալիխանյանը, Թ. Մանդալյանը, Ա. Խանջյանը և ուրիշներ Գ. Դիմիտրովի հետ ծանոթացել էին 1921—1926 թթ. Մոսկվայում՝ Կոմինտերնի կոնգրեսներում, արհեստակցական միությունների ինտերնացիոնալում և զանազան խորհրդակցություններում: «Գ. Դիմիտրովի հետ ևս ծանոթացել եմ Կոմինտերնի 3-րդ կոնգրեսում, 1921 թ. ամռանը»,— գրել է Ա. Միկոյանը²:

¹ «Правда», 16.VI.1962.

² «Երեկոյան Երևան», 17. VII. 1972:

Մեակայն հայ հասարակայնությանը, ինչպես Սովետական Միությունում, այնպես էլ արտասահմանում Գ. Դիմիտրովը լայնորեն հայտնի է դառնում Հայպցիդյան դատավարության ընթացքում, երբ նրան ու իր ընկերներին Ֆաշիստական զեղաններից ազատելու համար պայքարում էին աշխարհի հակաֆաշիստական բոլոր ուժերը:

Ամեն օր մեր երկրի կենտրոնական, ինչպես նաև հանրապետական ու տեղական թերթերը բազմաթիվ նյութեր էին տպագրում Հայպցիդյան դատավարության և առանձնապես Գ. Դիմիտրովի մասին: «Պրավդան» գրում էր. «Դիմիտրովի քաջուրի պայքարը հսկայական արձագանք է գտնում մեր երկրում: Չկա և ոչ մի բանվոր, որ չիմանա այդ անունը: Մեր երկրի մարդկանց համար առանձնապես մոտ է ու հասկանալի Դիմիտրովի պայքարը, նրա ոճը, նրա թափը, նրա անձնվիրվածությունը...: Խորը համոզմունքի զգացմունքներով ամեն օր մենք բաց ենք անում թերթերը և կարդում, թե ինչպես Դիմիտրովը, հեղափոխության այդ խիզախ մարտիկը, շրջապատված թշնամիներով, պայքարում է տոկոսն և արի»³:

Հայաստանի ՄՈՊՐ-ի⁴ Կենտկոմի օրգան «ՄՈՊՐ-ի զրոշ» հանդեսը տպագրում է հոդվածներ, բանաստեղծություններ ու նկարներ, որոնք արտացոլում էին ֆաշիստական դատարանում Գ. Դիմիտրովի հերոսական վարքագիծը: «Ամբողջ աշխարհի ուշադրությունն այժմ կենտրոնացած է Հայպցիդյան մոտ երկու ամիս շարունակվող այսպես կոչված ռայխստագի դատավարության վրա...— գրում էր «ՄՈՊՐ-ի զրոշը»,— ռայխստագի հրկիզման մեջ մեղադրվող կոմունիստները դուրս են գալիս մեղադրողներ»⁵: Հանդեսը նշում էր, որ դատավարության ընթացքում Գ. Դիմիտրովը տեղնուտեղը բռնում էր ֆաշիստների դատարան բերած «վկանների» սուտն ու զրպարտությունը:

Դատավարությունից հետո Գ. Դիմիտրովի և նրա ընկերների Սովետական Միություն ժամանելու լուրը մեծ զոհունակությամբ է ընդունում նաև Սովետական Հայաստանի աշխատավորությունը: Հանրապետության գործարաններում ու ֆաբրիկաներում, կոլտնտեսություններում ու սովխոզներում, բուհերում ու գիտահետազոտական ինստիտուտներում, զորամասերում տեղի են ունենում ժողովներ ու թուցիկ միտինգներ, որոնց մասնակիցներն իրենց հիացմունքն էին հայտնում ֆաշիզմի դեմ Գ. Դիմիտրովի և նրա ընկերների մղած անձնավեր պայքարի համար, ողջունում էին նրանց, հրավիրում Սովետական Հայաստան: «Սովետական Հայաստան» թերթի 1934 թ. մարտի 1-ի համարում կարդում ենք. «Ողջուն Դիմիտրովին: Նոր ուժով շարունակենք պայքարը ֆաշիզմի գերյալների ազատագրման համար»: 1934 թ. մայիսին Սովետական Հայաստանի մամուլում հրատարակվում է ՄՈՊՐ-ի⁴ Սովետական Միության IV համագումարի ողջունը թանկագին ընկեր Դիմիտրովին, «որի անունը մեծագույն պարծանքով է արտասանվում երկրագնդի բոլոր անկյուններում: Ամենուրեք, ուր եռում է ճնշվածների պայքարը ճնշողների դեմ, Դիմիտրովի անու-

³ «Правда», 8 XII.1933.

⁴ ՄՈՊՐ-ը հեղափոխականների օգնության միջազգային կազմակերպություն էր, Հիմնվել է 1922 թ. Մոսկվայում՝ կապիտալիստական երկրներում բուրժուական տեռորի դեմ և ՍՍՀՄ-ում ապաստանած քաղաքական վտարանգիներին օգնելու համար: ՄՈՊՐ-ը իր կազմակերպություններն ուներ սովետական բոլոր հանրապետություններում:

⁵ «ՄՈՊՐ-ի զրոշ», 1933, № 5—10, էջ 9:

նր դարձել է միջազգային պրոլետարական համերաշխության աճող զորության դրոշմը⁶։

Գ. Դիմիտրովն անհապաղ պատասխանում էր իրեն ուղղված ողջուններին ու նամակներին։ Այդ պատասխաններում նա արտահայտում էր իր խորին շնորհակալությունը սովետական մարդկանց և կոչ էր անում շարունակել պայքարը՝ հանուն ֆաշիստական զնդաններում տառապող հեղափոխական մարտիկների և առանձնապես է. Թելմանի ազատման։ Պատասխանելով «Հայկի-նոյի» ֆաբրիկայի աշխատակիցներին, Գ. Դիմիտրովը գրում էր. «Թող ՍՍՀՄ ժողովուրդների նոր հաղթանակը, որոնց հզոր ձայնը կանգնեցրեց մեր վրա կախված ֆաշիստական դահիճների ձեռքը, ավելի ոգեշնչի ձեզ՝ գերմանական և ավստրիական ֆաշիզմի բոլոր բանտարկյալներին և առաջին հերթին գերմանական բանվոր դասակարգի առաջնորդ ընկ. Թելմանին ազատագրելու համար մղվող պայքարում։ Ես շատ շնորհակալ եմ, որ դուք դարձել եք Դիմիտրովի անվան հարվածային կոլեկտիվ, և դրանում տեսնում եմ Սովետական Միության աշխատավորության խորը համերաշխության նոր արտահայտությունը բուրժուազիայի դիկտատուրայի դեմ մարտնչող գերմանական բանվորների հետ»⁷։

1934 թ. հունիսին Անդրկովկասի առաջավոր կոլտնտեսականները «Զարյա Վոստոկա» թերթի միջոցով նամակով դիմում են Գ. Դիմիտրովին, պատմելով նրան իրենց աշխատանքի, խնդիրների ու պարտավորությունների մասին։ Պատասխան նամակում Գ. Դիմիտրովը, ընդգծելով մրցության մեծ նշանակությունը, նշում էր. «Արևելքի երկրների հետ սահմանագծում Անդրկովկասի կոլտնտեսություններն ականառու ցույց են տալիս ոչ միայն այդ երկրներին, այլև բալկանյան բոլոր երկրներին, որ միայն սովետական իշխանության օրոք, միայն կոլտնտեսային կարգի հիման վրա, բանվոր դասակարգի և նրա բուլժեկական կուսակցության ղեկավարությամբ է հնարավոր տարբեր ազգությունների աշխատավորության սերտ եղբայրական համագործակցությունը, նրանց նյութական բարեկեցության բարձրացումը և ազգային կոլտնտեսային զարգացումը»⁸։

Գ. Դիմիտրովի հետ կապեր են հաստատում նաև Հայաստանի կոլտնտեսականները։ 1934 թ. հոկտեմբերին Փոքր Ղարաբաղի (այժմ Ազատան) գյուղը Կոմիտեների գծով Գերմանիայից բանվորներ են դալիս՝ տեղի «Շիր-Կանալ» կոլտնտեսությանն օգնելու։ Նրանք նորոգում են սերմնազտիչները, կառուցում պահեստներ և այլն։ Նրանց խորհրդով կոլտնտեսականները որոշում են նամակ գրել Գ. Դիմիտրովին, պատմել իրենց կոլտնտեսության հաջողությունների մասին և ավտոմեքենա խնդրել։ Այդ նամակը նրանք Գ. Դիմիտրովին են ուղարկում Արմենուհի և Ալեքսան Զիլոյանների միջոցով։ Զիլոյան մոտիկները մեկնում են Մոսկվա, լինում Գ. Դիմիտրովի մոտ, արժանանալով նրա սիրալիք ընդունելությանը։ Զրույցի ժամանակ Զիլոյան ամուսինները Գ. Դիմիտրովին հայտնում են, որ նա «Շիր-Կանալ» կոլտնտեսության անդամ է և նրան հանձնում են կոլտնտեսականի անդամատումը, որտեղ Գ. Դիմիտրովի հաշվին գրանցված էր 20 աշխօր։ Այնուհետև Զիլոյան ամուսինները ազա-

⁶ Նույն տեղում, 1934, № 4—5, էջ 2։

⁷ ЦПА ИМЛ, ф. 146, оп. 2, а. е. 1281, л. 120.

⁸ Նույն տեղում, а. е. 1300, л. 1.

տանցիների անունից Գ. Դիմիտրովին խնդրում են նրանց կոլտնտեսությունն օգնել ավտոմեքենա ձեռք բերելու և ուղարկել իր լուսանկարը: Գեորգի Դիմիտրովը խոստանում է բավարարել կոլտնտեսականների խնդրանքը, որի մասին հավաստում է նրանց ուղղած նամակում: Դրան կից նա ուղարկում է իր լուսանկարը: Նամակում գրված էր. «Թանկագին ընկերներ, ձեր կոլտնտեսության ներկայացուցիչներ ընկ. ընկ. Արմենուհի և Ալեքսանդր Զիլոյանները ինձ պատմեցին լավ բերքի համար մղած ձեր պայքարի մասին, ձեր հաջողությունների և ձեր կյանքի մասին:

Իս շատ ուրախ եմ, որ դուք համերաշխ, կազմակերպված ու բարեխիղճ աշխատանքով կարողացել եք հասնել այդպիսի խոշոր հաղթանակների և որ չորրորդ բրիգադը, որը կրում է Դիմիտրովի անունը, պարգևատրվել է ՍՍՀՄ հողօժոկոմատի քաղվարչության կողմից:

Ցավոք սրտի, ներկայումս հնարավոր չէ օգնել ձեզ ավտոմեքենա ձեռք բերելու համար, հուսով եմ, որ դա կհաջողվի 1935 թ. գարնանացանի կամ պահիսի սկզբում:

Իմ բաժին աշխօրերը, խնդրում եմ, հանձնեք ՄՈՊՐ-ի ֆոնդին, ֆաշիզմի և պատերազմի դեմ պայքարող մարտիկների օգնության ուժեղացման և ընկ. Թելմանի ագատագրման պայքարի համար:

Ամբողջ սրտով ցանկանում եմ ձեզ առողջություն, հետագա հաջողություններ և նոր հաղթանակներ:

Բուլշևիկյան ողջուններով

Գ. Դիմիտրով»⁹:

Լուսանկարի վրա Դիմիտրովը մակագրել էր. «Ողջուն՝ Շիր-Կանալ և կոլտնտեսության կոլտնտեսականներին և կոլտնտեսուհիներին:

Գ. Դիմիտրով, Մոսկվա, 25.10.1934»¹⁰:

Շուտով Գ. Դիմիտրովը Փոքր Ղարաբաղիսա գյուղի կոլտնտեսությանն է ուղարկում մեկ բեռնատար ավտոմեքենա: Այդ մասին «Սովետական Հայաստան» թերթը հայտնում էր. «Գեորգի Դիմիտրովը ի պատասխան կոլտնտեսականների նամակի, Լենինականի շրջանի Փոքր Ղարաբաղիսա գյուղի կոլտնտեսությանը նվիրել է մեկ բեռնատար ավտոմեքենա»¹¹:


Գ. Դիմիտրովի նամակներն ու խորհուրդներն օժանդակում էին կոլտնտեսականների աշխատանքային ակտիվության բարձրացմանը, ոգեշնչում նրանց նոր հաջողություններին:

Գ. Դիմիտրովի և Հայաստանի աշխատավորության կապերի ամրապնդման գործում խոշոր դեր է կատարում ՄՈՊՐ-ը և նրա Հայաստանի կազմակերպությունը: ՄՈՊՐ-ի Հայաստանի կազմակերպության Կենտկոմի օրգան «ՄՈՊՐ-ի դրոշ», ապա «Կարմիր ֆրոնտ» հանդեսների էջերում հարուստ նյութեր կան Հայաստանի աշխատավորության հետ Գ. Դիմիտրովի կապերի մասին: «Կարմիր ֆրոնտը» Փարիզի կոմունային նվիրված համարներում (1935 թ, № 3—4) ընթերցողներին հայտնում էր, որ մարտի 18-ին Փարիզի կոմունայի և ՄՈՊՐ-ի օրվա առթիվ Մոսկվայում, Միությունների տան դահլիճում, փայլուն

⁹ «Կարմիր ֆրոնտ», 1935, № 2, էջ 10—11:

¹⁰ ЦПА ИМЛ, ф. 146, а. е. 1310, п. 120:

¹¹ «Սովետական Հայաստան», 14. VI. 1935:



եւույթ ունեցավ Գ. Դիմիտրովը. «Ամբողջ դահլիճը մեծ խանդավառությամբ, ժափահարություններով և ուռաններով դիմավորեց մեծ հեղափոխականին»։
 Ընկ. Դիմիտրովն իր կրակոտ ճառը նվիրեց միջազգային հեղափոխության մարտիկներին օգնության կազմակերպման գործին»։ Հանդեսի հաջորդ* 5-րդ համարը բացվում է Գ. Դիմիտրովի այդ ճառով, որը կրում է. «Բոլոր ուժերով օժանդակենք ՄՈՊՐ-ին» խորագիրը։

1935 թ. փետրվարի 10-ին նրեանում տեղի է ունենում ՄՈՊՐ-ի Հայաստանի կազմակերպության հորեյականական պլենումը՝ նվիրված նրա 10-ամյակին։ Կապիտալի ձիրաններից ազատված և Հայաստան ներգաղթած դորգագործ բանվորուհիները նիստի նախագահությանն են հանձնում ՄՈՊՐ-ի բըջիջի քանքերով գործված, ՄՈՊՐ-ի խորհրդանշանով գորգ* Գ. Դիմիտրովի համար։ Քնրանք համառ աշխատանք են թափել,— գրում էր «Կարմիր ֆրոնտը»,— այն մարդու համար, որին միջազգային պրոլետարիատը պոկեց ֆաշիզմի արյունոտ ճանկերից»¹²։

Կոմունիստական ինտերնացիոնալի 7-րդ կոնգրեսում Գ. Դիմիտրովի ընդարձակ ղեկուցումն ու եզրափակման խոսքը թարգմանվում և տպագրվում է շատ լեզուներով, այդ թվում նաև հայերեն¹³։ Տեղական թերթերը լուսաբանում են կոնգրեսի աշխատանքներն ու նյութերը, ընթերցողներին ծանոթացնում Կոմինտերնի գործկոմի գլխավոր քարտուղար Գ. Դիմիտրովի կյանքին ու գործունեությանը։ «Կարմիր ֆրոնտ» հանդեսը 1935 թ. 8-րդ համարում առաջնորդող հոդված նվիրելով Կոմինտերնի 7-րդ կոնգրեսի աշխատանքներին, Գ. Դիմիտրովի եզրափակման ճառից տպագրում է ՄՈՊՐ-ի գործունեության մեծագույն նշանակության մասին հատվածը և Գ. Դիմիտրովի նկարը՝ Կոմինտերնի գործկոմի գլխավոր քարտուղար ընտրվելու առթիվ։

Կոմինտերնի գործկոմում և ՄՈՊՐ-ի սիստեմում Գ. Դիմիտրովի ղեկավարությամբ աշխատում էին հայ ժողովրդի շատ անվանի զավակներ, կուսակցական ու հասարակական գործիչներ։

«Կարմիր ֆրոնտի» 1935 թ. 5-րդ համարում տպագրված են Գ. Դիմիտրովի երկու նամակը՝ ուղղված Շիրակի կոլտնտեսություններից մեկին և Հայաստանի ՄՈՊՐ-ի Կենտկոմին։ Առաջինը Գ. Դիմիտրովի պատասխանն էր կոլտնտեսականների նամակին, որտեղ նրանք հաղորդում էին տնտեսական և կուլտուրական ճակատներում իրենց հաջողությունների մասին։ Գ. Դիմիտրովը պատմում էր, որ այդ հաջողություններն ուրախացնում են իրեն, և ինքն առանձնապես ուրախ է, որ գյուղատնտեսական արտելի նոր կանոնադրության մշակումից հետո շատ մենատնտեսներ մտել են կոլտնտեսության մեջ։ «Ձեր դիմումը՝ բռնատար մեքենա ձեռք բերելու մասին,— գրում էր նա,— հանձնեցի ընկ. Չերնովին՝ ՍՍՀՄ հողօգտագործին, ծանոթացնելով նրան ձեր հաջողությունների հետ։ Ի պատասխան դրան, ընկ. Չերնովն արգեն հայտնել է ինձ, որ նա կարգադրել է Սելխոզսնար (գյուղատնտեսական մատակարարման) գրասենյակին՝ անմիջապես ուղարկել մի մեքենա ձեր կոլտնտեսությանը։

¹² «Կարմիր ֆրոնտ», 1935, № 3—4, էջ 17։

¹³ «Ֆաշիզմի հարձակումը և կոմունիստական ինտերնացիոնալի խնդիրները ֆաշիզմի դեմ բանվոր դասակարգի միասնության համար մղվող պայքարում»։ Ձեկուցում և եզրափակման խոսք Կոմունիստական ինտերնացիոնալի համաշխարհային 7-րդ կոնգրեսում, 1935 թ. օգոստոսի 2-ին», Սբևան, 1935։

Հուսով եմ, որ դուք համերաշխորեն և բարեխղճորեն կկատարեք ձեր վրա վերցրած պարտավորությունները:

Անկեղծորեն ցանկանում եմ Մայիսի մեկը՝ միջազգային պրոլետարիատի մեծ տոնը, դիմավորեք նոր հաղթանակներով, կատարելով 1935 թվի ձեր ցանքի պլանը ժամկետից շուտ, լինել առաջավոր կոլտնտեսությունների շարքերում¹⁴:

Հայաստանի ՄՈՊՐ-ի Կենտկոմին Գ. Դիմիտրովի ուղարկած նամակի առիթը, որպես նվեր հայկական գորգ ստանալն էր: «Թանկագին ընկերներ,—գրում էր Գ. Դիմիտրովը,— ՍՍՀՄ ՄՈՊՐ-ի Կենտկոմի միջոցով ես ստացա ձեր ուղարկած գորգը:

Ընդունելով այդ որպես գորգագործական միության բանվորների, ինչպես նաև Սովետական Հայաստանի բոլոր աշխատավորների միջազգային համերաշխության ղգացմունքների արտահայտություն, ես ձեզ ինդրում եմ ընդունել իմ ամենախորը շնորհակալությունը:

Այժմ մեր բոլորի ուշադրությունը, և ամենից առաջ ՄՈՊՐ-ի և նրա սեկցիաների ուշադրությունը պետք է կենտրոնացվի այն պայքարի վրա, որ մղվում է կապիտալիստական զնդաններում տառապող ընկ. ընկ. Թելմանի, Խակոչիի և բոլոր մյուս հեղափոխական մարտիկների փրկության համար: Ազատել նրանց ֆաշիստական դահլճների ճանկերից—ահա մեր բոլշևիկյան պարտականությունը: Հիշեցե՛ք, ընկերներ, որքան մենք ավելի ամրապնդենք մեր ՄՈՊՐ-ը՝ հեղափոխական մարտիկներին օգնող միջազգային կազմակերպությունը, այնքան լավ կօգնենք արտասահմանյան պրոլետարիատին՝ կապիտալի հարձակման և ֆաշիզմի ու պատերազմի դեմ նրա մղած պայքարում, այնքան ուժեղ կլինի նրա պայքարը դասակարգային թշնամու դեմ, այնքան այդ պայքարը շուտ կհասցնի ամբողջ աշխարհում Հոկտեմբերի Կարմիր դրոշի, Մարքսի, Էնգելսի, Լենինի դրոշի վերջնական հաղթանակին:

Նղբայրական բոլշևիկյան ողջույն

ձեր Գ. Դիմիտրով¹⁵:

«Կարմիր ֆրոնտը» զետեղել էր Գ. Դիմիտրովի մեծ դիմանկարը: Հանգեսը հայտնում էր, որ Ալավերդում կազմակերպվել է հեղափոխականների անվան 13 արտագրական բրիգադ (Է. Թելմանի, Գ. Դիմիտրովի, Մ. Ռակոչիի և այլոց)¹⁶. Լենինականում հաջողությամբ գործում էր Գ. Դիմիտրովի անվան ՄՈՊՐ-ական բրիգադը:

Արձագանքելով Դիմիտրովի վերոհիշյալ կոչին, ինչպես ողջ երկրի, այնպես էլ Հայաստանի ՄՈՊՐ-ականները եռանդուն աշխատանք են ծավալում միջազգային պրոլետարիատի համերաշխությունն ամրապնդելու, ֆաշիստական զնդաններում տառապող մարտիկներին ազատելու և ֆաշիզմի զոհերի երեխաներին օգնելու համար:

1936 թ. ՄՈՊՐ-ի Հայաստանի Կենտկոմի հրատարակությունը Հ. Մազմանյանի թարգմանությամբ նրկանում հրատարակեց Վ. Պիկի «Ապստություն Թելմանին» գիրքը, որը սկսվում էր «Դիմիտրովի դատավարությունից ղեպի Թելմանի դատավարությունը» նախաբանով: Գրքում ասված էր. «Գեորգի Դի-

¹⁴ «Կարմիր ֆրոնտ», 1935, № 5, էջ 2:

¹⁵ Նույն տեղում, էջ 3, «Коммунист», 30. III. 1935.

¹⁶ «Կարմիր ֆրոնտ», 1935, № 5, էջ 23:

բուլղարական ժողովրդի մեծ զավակ Գ. Դիմիտրովի անունը, որն իր ամբողջ կյանքը նվիրեց սլավոն ապագայի համար մղվող սլավոֆոբիայի, մոտիկ և թանկ է բոլոր աշխատավորներին, առաջավոր ամբողջ մարդկությանը: Այդ անունը դիտեն մեր երկրի ամեն մի անկյունում՝ հեռավոր Կուրիլյան կղզիներում և Կամչատկայում, Ուկրաինայում և Վրաստանում, Հայաստանում և Տաջիկստանում, Կիրգիզիայում և Ղազախստանում²², նշվում էր, որ Գ. Դիմիտրովի անունը սովորեցնում է աչքի լույսի պես պահել սովետական և բուլղար ժողովուրդների եղբայրական բարեկամությունը, մինչև վերջ հավատարիմ լինել ինտերնացիոնալիզմի գաղափարին:

Սովետական Միության ժողովուրդների հետ Գ. Դիմիտրովի սերտ կապերը մեծ չափով օժանդակում են սովետական և բուլղար աշխատավորության բարեկամության ամրապնդմանը, ինչպես նաև բուլղարահայության համախմբմանը Սովետական Հայաստանի շուրջը: Գ. Դիմիտրովի անունը դարձել է այդ բարեկամության խորհրդանիշը:

Սովետական Միությունում, այդ թվում նաև Սովետական Հայաստանում բաղաձայնիվ գործարաններ, կոլտնտեսություններ, դպրոցներ, փողոցներ, պիոներական դրոժինաներ կրում են Գ. Դիմիտրովի անունը: 1949 թ. Արտաշատի ջրջանի ներքին Ղուլլասար գյուղը վերանվանվեց Դիմիտրով:

1952, 1962 և 1972 թթ. հայ ժողովուրդը եղբայրական մյուս ժողովուրդների հետ միասին իշեց Գ. Դիմիտրովի ծննդյան 70, 80 և 90-ամյակները: Թերթներում հրապարակվեցին բազմաթիվ նյութեր Գ. Դիմիտրովի մասին և նրա դիմանկարները:

Սովետական Միության ժողովուրդները, ամբողջ աշխարհի առաջավոր մարդկությունը պատրաստվում են մեծ հանդիսավորությամբ նշելու Գ. Դիմիտրովի ծննդյան 100-ամյակը, որը կանցնի պրոլետարական ինտերնացիոնալիզմի և ժողովուրդների բարեկամության, խաղաղության, սոցիալիզմի և դեմոկրատիայի համար պայքարի նշանաբանով, կրկին ու կրկին կցուցադրի այն գործի հաղթարշավը, որին նվիրաբերեց իր ողջ գիտակցական կյանքն ու եռանդը բուլղար ժողովրդի փառապանծ զավակը, Սովետական Միության ու ամբողջ աշխարհի աշխատավորության ջերմ բարեկամն ու աղատության անմահ մարտիկը:

Բուլղարիայի կոմունիստական կուսակցության Կենտրոնական կոմիտեի առաջին քարտուղար, Բուլղարիայի Ժողովրդական Հանրապետության Պետական խորհրդի նախագահ Թոդոր Ժիվկովը ՍՄԿԿ XXVI համագումարում ունեցած իր ելույթում կրկին ու կրկին հավաստիացրեց սովետական ժողովրդին ու սովետական կոմունիստներին, գաղափարներին և պայքարի իրենց ընկերներին, որ Բուլղարիայի կոմունիստական կուսակցությունը միշտ հավատարիմ կլինի պրոլետարական ինտերնացիոնալիզմին, կմնա միջազգային կոմունիստական շարժման մարքսիստական-լենինյան հավատարիմ ջոկատը²³:

Այս հավատարմությունը, սովետական և բուլղար ժողովուրդների հավերժ բարեկամությունը, Գ. Դիմիտրովի լավագույն հուշարձանն է:

²² Նույն տեղում:

²³ «Правда», 26.11.1981

Г. ДИМИТРОВ И СОВЕТСКАЯ АРМЕНИЯ

ГЕВОРГ ГАРИБДЖАНЫН
Академик АН Арм. ССР

Резюме

Будучи пламенным интернационалистом, Г. Димитров поддерживал связи со многими армянскими революционерами и трудящимися Советской Армении. Трудящиеся Армении горячо приветствовали освобождение из фашистских застенков и приезд в Советский Союз героя Лейпцигского процесса, великого борца против фашизма и войны.

Армянский народ свято чтит память видного деятеля международного коммунистического и рабочего движения, вождя и учителя Болгарской коммунистической партии и всего болгарского народа Г. Димитрова. В Советской Армении его именем названы село, колхозы, школы, улицы, пионерские дружины. На армянском языке изданы его произведения, книги о нем, многочисленные статьи.